

Goda Yesus Christossi Keehi mattan ha sa'a guye simidi yananees. Hachi 2000 laitatupe kase ha saa'an de'idi I gelido tasfaa qaalay Yohanisan 14:1-3 xafetiis. I(Yesusi) ha saa'a guye simidi yiyooga watiidi tumupe eranawu dandayiyoo? I ba huphe Yesusi wodiya wursettaa laitan hananawu deiyabata giidi yotidobata haayana nababitte. Ha Yesusi yotidobata akeeki nababidi ha'i alamiyaan haniddi de'iyaaaturane Yesusi yootidobatura gatti xeeliyode Yesuusi ha nu laitan guuye simidi yiyoogadan markateesine erisees.

**1 Maqidasiyaa laalettaa**  
Yesuusi Beeta Maqidasiyaappe kiyidi biishin, Beeta Maqidasiyaa dirssa gidдон de7iya keettata bessanau erissiyo ashkkarati akko yiidosona. Yesuusi zaaridi eta, “Hagaa ubbaa be7eetii? Taani intteyyo tumaa odais; ha keettatun de7iya issi shuchchinne attennan ubbai qolettana” yaagiis. (Maat 24:1-2; Marq 13:1-2; Luqa 21:5-6). Hagee 70 marotetta laitan tumupe polettiis.

**2 Yesusa yuusa malataa**  
Yesuusi Dabira Zaitte giyo deriyaa bollan uttidaashin, erissiyo ashkkarati bantarkka akko yiidi a, “Hegee aude hananaakko, nuuyo odarkkii; qassi ne yuussaayyoonne wodiya wursettaayyo malaatai aiba gidanee?” yaagidosona. (Maat 24:3; Marq 13:3-4; Luqa 21:7)

**3 Baletiyageetu dendetaa**  
Yesuusi zaaridi, eta hagaadan yaagiis; “Inttena ooninne balettanna mala naagettite. Aissi giikko, daro asati ta sunntan, 'Taani Kiristoosa' yaagiiddi yaana; yiidi daro asaa balettana. Eta kaallidi booppite. (Maat 24:4-5; Marq 13:5-6; Luqa 21:8)

**4 Olatane olatuba oduwa**  
Matan de7iya olaa cenggurssaanne haahuwan de7iya olaa oduwaa siyanau intte de7eeta; heгаа malabai hananau bessiyo gishshau, naagettite; hirgoppite; shin wursettai biroona. (Maat 24:6; Marq 13:7; Luqa 21:9)

**5** Deree deriyaa bolan oletiyoo | bittaa qattaa | Namisaa boshshaa | Dumma dumma harigetta Aissi giikko, issi biittaa asai hara biittaa asaara olettana; qassi issi kawotettai hara kawotettaara olettana; koshainne biittaa qaattai ubbasan de7ana. (Maat 24:7; Marq 13:8; Luqa 21:10-11)

**6** Hegee ubbaikka koiro leesso mala. (Maat 24:8; Marq 13:8)

**7 Amaniyageetu barichiyaa**  
Shin intte intte huuphen naagettite; SHin ha ubbai hananaappe kase, banta kushiya intebollan caananane yedetana. asi inttena oiqqidi, pirdda keettau aattidi immana; qassi ba Aihuda woosa keettatunkka inttena lissuwan garafana; qasho keettankka qashissana. Asai he wode inttena waissananne worana; ta sunntaa gishshau, inttena Aihuda woosa keettaa asatuyyo aattidi immananne; Hegee inttessi ta gishshau, eta sinttan markkattanau lo77o wode gidana. (Maat 24:9; Marq 13:9; Luqa 21:12-13)

**8** Eti inttena pirdda keettaa ehiyo wodenne aattidi immiyo wode, woigidi haasayanaakkonne koiroora hirgoppite; Hegaa gishshau, issibaa intte wozanan oiqqite; hegee aibee giikko, intte waatidi zaaruwaa immanaakko, koiroora hirgoppite giyoogaa. he saatiyan Xoossai intteyyo immiyoobaa haasayite. Aissi giikko, Geeshsha Ayyaanai haasayanaappe attin, haasayiaageeti inttena gidekketa. Aissi giikko, intte morkketuppe ooninne inttenaara eqettanaunne palamettanau danddayenna haasayaa minotettaanne aadhdhida eratettaa taani inttessi immana.

**9 So asaa kadettaa**  
He wode daroti ammanuwaa aggana; Ishai ba ishaa, aawai ba na7aa worissana; Harai atto inttena yelidaageetikka, ishantti, dabboti, laggetikka, inttena aattidi immana. qassi naati bantta aawatu bollinne bantta aayetu bolli denddidi, eta worissana. Ta sunntaa gishshau, inttena ubbai ixkana; shin intte huuphiyaa binnaanaappe issoinne

xayenna. Danddayan intte intte shemppuwaa ashshana. (Maat 24:9-10; Marq 13:12-13; Luqa 21:16-19)

**10 Siqoota irixatetaa**  
Makkalai dariyo gishshau, daro asaa siiqoi irxxana. SHin wursettaa gakkanaashin genciya urai attana. (Maat 24:12-13)

**11** Asa ubbau markka gidana mala, kawotettaa wonggeliyaa mishiraachchoi sa7a ubban odettana; hegaappe guyyiyan, wursettai gakkana. (Maat 24:14; Marq 13:10)

**12 Yerusalame bashaa nagaraa**  
Shin wotaaddaran Yerusalamee diretti uttidaashin intte be7iyo wode, Yerusalame xayoi matattidoogaa erana. (Luke 21:20). Hegaa gishshau, hananabaa yootiya Daaneeli odido bashshaa tunatettai geeshsha sohuwan eqqidaagaa intte be7ana; hegee woigiyoo gaakko, nabbabiyaagee akeeko. He wode Yihudan de7iyaageeti deriyaakko baqatona; katama gidдон de7iyaageeti katamaappe kiyona; gaxa biittan de7iyaageeti katamaa geloppona. Keettaa huuphiyan de7iya uraikka issibaa ekkana duge wodhdhidi, ba soo geloppo. Gaden de7iyaageekka ba maayuwaa ekkana guye simmoppo. (Maat 24:15-18; Marq 13:14-16; Luqa 17:31; 21:21). Mark 13:17 He wode shahaara maccaasatuyyoonne xanttiya maccaasatuyyo aayye7ana. Balggon woi Sambbatan intte baqatenna mala, Xoossaa woossite; (Maat 24:19-20; Marq 13:17-18; Luqa 21:23). Eti qara bisuwan qanxxettidi haiqqana; eti dere ubban omoodettana; Aihuda gidenna asai bantta wode polettana gakkanaashin, Yerusalame katamaa yedhdhana. (Luqa 21:24)

**13 Yaaqoba metuwaa laitaa (Ermi 30:6-7)**  
aissi giikko, Xoossai sa7aa koiro medhdhoosappe doommidi, ha77i gakkanaassi, mulekka de7ibeenna metoi, qassi hagaappe sinttaukka mule de7enna metoi Ha asaa bollan

de7ana. Godai he gallassatu qoodaa guuttiyoi bainnaakko, asa gididai ooninne antenna; shin i ba doorido asatu gishshau, he gallassatu qoodaa guuttiis. (Maat 24:21-22; Marq 13:19-20; 1:21:23). Aissi giikko, Xoossaa maxaafatun xaafettidaagee ubbai polettana, Xoossai halo kessiyo wodee hagaa. (Luqa 21:22)

**14 Wordo christosatane wordo nabeta**  
He wode ooninne inttena, 'Be7ite; Kiristoosi hagan de7ees' woi, 'Be7ite; Kiristoosi hegan de7ees' yaagikko, heгаа ammanoppite. Aissi giikko, worddanchcha Kiristoosatinne wordduwaa hananabaa yootiyaageeti denddida; denddidi banttau danddayettikko, harai atto Xoossai dooridoogeetakka balettana gita malaataanne garamissiyaabaa bessana. SHin intte naagettite; taani intteyyo ubbabaa kasetada odaas. (Maat 24:23-24; Marq 13:21-23):: Hegaa gishshau, asai inttena, 'Be7ite, Kiristoosi bazzon de7ees' giikko, heгаа booppite; woi inttena, 'Be7ite, qol77on de7ees' giikkokka, etabaa ammanoppite. Aissi giikko, wolqqanttai arshshoppe wolqqammidi, arggo gakkanaassi phooliyoo gaadan, ta yuussai, Asa Na7aa yuussai, hegaadan hanana. (Maat 24:26-27; Luqa 17:23-24).

**15 Saluwaa malaatatta**  
He wode waayiyaappe guyyiyan, sohuwara awai xumana; aginai poo7iyoo gaagi bayana; xoolintteti saluwaappe kunddana; qassi saluwan de7iya wolqqatikka qaaxettana. saluwan de7iya wolqqatikka qaaxettana. (Maat 24:29; Marq 13:24-25; Luqa 21:25). Awa aifiyaaninne aginan xoolinttiyan malaatai beettana; sa7an de7iya issi issi dere asai abbainne beetai guummiyoogaa siyidi, hananabai etassi erettannan ixxin metootana. Asai sa7aa bolli yaanabaa ubbaa naagiiddi, yashshan daafurana; aissi giikko, saluwan de7iya wolqqati qaaxkana. (Luqa 21:25-26).





**16** He wode ta malaatai, Asa Na7aa malaatai, saluwan beettana; sa7an he wode de7iya asa zare ubbai yeekkana. Qassi taani, Asa Na7ai, wolqqaaranne gita bonchchuwaara saluwaa shaara giddoora yiishin, eti be7ana. I ba kiitanchchata gita malkkataara kiittana; kiittin kiitanchchati sa7au ha gaxaappe ya gaxaa gakkanaashin, qassi sa7an oiddu zooziyaappe au doorettida asaa shiishshana. (Maat 24:30-31; Marq 13:26-27; Luqa 21:27).

**17** Hegee hananau doommiyo wode, intte wozettiyo wodee matiyo gishshau, xoqqu giidi, pude xeellite” yaagiis.

**18** Yesuusi etassi hagaadan yaagidi, leemisuwaa yootiis; Balasiyo giyo mittiyoonne hara mitta ubbaa akeekite. Eta haittai aaca doommiyoogaa intte be7iyo wode, bonee matattidoogaa intte ereeta. Hegaadankka intte hegee haniyoogaa be7iyo wode, Xoossaa kawotetta gakkana matattidoogaa erana. i matattidi pengge shiiqidoogaa erite. (Maat 24:32-33; Marq 13:28-29; ሉ.ቃ 21:29-31). SHin he gallassanne he saatiyaa Aawaa xalaalaappe attin, harai atto saluwan de7iya kiitanchchata gidin, woi tana Na7aa gidinkka ooninne eriyaabi baawa. (Maat 24:36; Marq 13:32).

**19** Ta yuussai, Asa Na7aa yuussai, Nohe wode hanidoogaa mala gidana. Aissi giikko, bashshiya haattaa yuussaappe kase wode, Nohee markkabiyan gelido gallassai gakkanaashin, asai meesinne uyees; qassi attumaasai machcheesinne maccaasai azinaa geles. Bashsha haattai yiidi, eta ubbaa efaana gakkanaashin, eti akeekibookkona; taani, Asa Na7ai, yiyo wodee, heгаа mala gidana. (Maat 24:37-39; Luqa 21:26-27).

**20** Qassi Looxe wode hanidoogaadankka hegaadan hanana; eti moosona, uyoosona, shammoosona, baizzoosona, kattaa zeroosona, keettaakka keexxoosona. SHin Looxe

Sadoomappe kiyido gallassi, Xoossai saluwaappe tamaanne eexxiya shuchchaa bukissidi, ubba asaa wurssiis. Asa Na7ai qoncciyann beettiyo gallassi hegaadan hanana. (Luqa 17:28-30).

**21** Ane Looxe machcheebaa qoppite! Ba shemppuwaa ashshana koyiya ubbai bashshana; shin ba shemppuwaa bashshiya ubbai ashshana. (Luqa 17:32-33).

**22** Taani intteyyo odiiyoogee aibee giikko, he gallassa qammi naa77u asati issi hiixan zin77ana; etappe issuwaa efin, issoi attana. Naa77u maccaasati issi sohuwan gaacciyaageetuppe issinniyo efin, issinniyaa attana. Naa77u asati gaden oottiyaageetuppe issuwaa efaana; issoi attana” yaagiis. (Maat 24:40-41; Luqa 17:34-36). Erissiyoo ashkkarati qassi a, “Godau, hegee awan hananee?” yaagidosona. Yaagin Yesuusi, “Gauxai de7iyoosaa ankko shiiqana” yaagidi, etassi odii. (Maat 24:28; Luqa 17:37).

**23** **Miniiyagetane wosiyageta gidite** Ta yuussai ba keettaa aggidi, oge biya bitaniyaa mala; bitanee ba ashkkaratuyyo huuphen huuphen oosuwaa immidi, eta ba oosuwaayyo alaafe oottiis; qassi kariyaa naagiyaageekka minttidi naagana mala azaziis. “Hegaa gishshau, minnite; aissi giikko, keettaawai omarssa gidin, woi qamma bilahe gidin, woi kuttoi waassiyoo wode gidin, woi maallado guuraara gidin aude yaanaakko, intte erekketa. Intte akeekennan i yiikko, inttena xiskkidaageeta demmenna mala minnite. (Marq 13:34-36).

**24** Shin kaisoi qammaappe woqqa wodiyan yaanaakko keettaawai eridaakko, ba keettaa bookkettenna mala, beegottidi naagi uttanaagaa erite. Hegaa gishshau, inttekka giigi uttite; aissi giikko, taani, Asa Na7ai, intte qoppenna saatiyan yaana. (Maat 24:43-44).

**25** Shin muusan, ushshan, mattooninne aqossi hirggiyooban intte wozanai balenna mala, qassi intte qoppennan he gallassai intte bolli yeennaadan, inttena naagite. He wodee aude gidanaakko, intte erenna gishshau, naagettite; minnite; Xoossaa woossite. Aissi giikko, he gallassai sa7a ubban de7iya asa ubbaa piriyaadan oiqqana. (Marq 13:33; Luqa 21:34-35).

**26** Simmi intte he yaanabaa ubbaappe attanaunne ta sinttan Asa Na7aa sinttan, eqqanau danddayana mala, ubba wode Xoossaa woosan minnite” yaagiis. (Luqa 21:36).

**27** Taani intteyyo tumaa odais; ha ubbabai hanana gakkanaassi, ha wodiyaasai haiqqiichenna. Saloinne sa7ai aadhdhana; shin ta qaalai mulekka aadhdhenna. (Maat 24:34-35; Marq 13:30-31; Luqa 21:32-33).


**Woga kawuwaa – Goda Yesus**  
**Christossi boncho loiya zufanaa bolan**  
**uttidi geesha kitanchatunine geshatun**  
**ajabettidi keehipe daro wolqanine**  
**bonchuwan guye haa sa'aa simiidi**  
**yaananees.**

**Xoossaayyo yayyite; a bonchchite.**  
**Aissi giikko, sa7aa asa i pirddiyo**  
**saatee gakkiiis. Saluwaa, sa7aa,**  
**abbaanne haattaa pulttuwaa**  
**medhdhida Xoossaayyo goinnite**  
**(Ajjuuataa 14:7)**

**Yusaa sa'atee hagape**  
**sintan gami'ena!**

**Saluwaa kawotettay ha'i matiis.**  
**Godako simiitene ha wongeliyaan**  
**amanite.**

**Godaa Xoossaa mokaawu giigite!**



**Xoossaa**  
**kawotettaa**  
**wongaliyaa**

**Xeelite Angel Televizhiniyaa**

Satellite : INTELSAT 20 (IS20)  
Orbital Location : 68.5° East  
Band : Ku-Band  
Downlink Frequency : 12.522 GHz  
Polarization : Vertical  
Symbol Rate : 27,500 Msps  
FEC : 3/4  
Modulation : DVB-S, MPEG-2 / SD  
Coverage Area : AFRICA & EUROPE

Local Contact Address

**WOLAITATUWA | ETHIOPIAN**